

**BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
GRAD ZENICA**

**Obrađivač:
Služba za privredu i upravljanje razvojem**

**INFORMACIJA O REALIZACIJI PODSTICAJNIH MJERA
ZA UNAPRJEĐENJE PRIVREDE ZA 2018. GODINU NA PODRUČJU GRADA ZENICA**

Zenica, februar 2019.godine

I UVODNI DIO

Program mjera podsticaja unaprjeđenja privrede za 2018. godinu sa kriterijima raspodjele temelji se na odobrenim sredstvima za ovu namjenu u Budžetu Grada Zenica za 2018. godinu.

U skladu sa Zakonom o podsticaju razvoja male privrede („Službene novine ZDK“, br. 07/16), odredaba Statuta Grada Zenica („Službene novine Grada Zenica“, broj 5/15), i Strategije Razvoja Općine Zenica 2012. – 2022. usvojene od strane Općinskog Vijeća 01.12.2011. godine, Grad Zenica kao jedinica lokalne samouprave je pokrenula aktivnosti u stvaranju i poboljšanju poslovnog okruženja na području Grada Zenica, kroz razvoj poduzetništva i obrta, javno i transparentno izvršenje Budžeta i stvaranje partnerstva između Gradske uprave i privrednog sektora.

Osnovni fokus i usmjerenje gradskih politika su unaprjeđenje mjera kroz planiranje podsticaja za osnivanje novih firmi (Start up) i jačanje konkurentnosti malih i srednjih preduzeća (MSP), kao i otvaranja novih radnih mjesta u Gradu Zenica, te stvaranju što povoljnijeg poslovnog okruženja, zbog ulaganja domaćeg i stranog kapitala na području Grada Zenica.

II SVRHA JAVNIH POZIVA

S ciljem podrške razvoju privrede (poduzetništva i obrta), gradska uprava pokrenula je niz mjera i aktivnosti putem javnih poziva:

1. Javni poziv za dodjelu sredstava za podsticaj samozapošljavanja i zapošljavanja kroz razvoj start- up projekata;
2. Javni poziv za dodjelu sredstava za podsticaj razvoja postojećih mikro, malih i srednjih preduzeća na području Grada Zenica za 2018. godinu

Grad Zenica, kao nosilac međunarodnog certifikata BFC SEE nastoji da osigura područje sa povoljnim poslovnim okruženjem, te putem ovih javnih poziva podstiče dinamiku samozapošljavanja i zapošljavanja i jačanje konkurentnosti privrede.

Svi elementi javnih poziva su usvojeni jedanaestoj sjednici Privrednog savjeta Grada Zenica, održane 27.03.2018. godine, a na osnovu zaključaka sa devete sjednice Privrednog savjeta Grada Zenica, održane 19.12.2017. godine.

III IZVORI SREDSTAVA

U Budžetu Grada Zenica za 2018. godinu planirana su sredstva za unaprjeđenje mjera razvoja privrede, podsticaja u oblasti razvoja poduzetništva i obrta u iznosu od 300.000, 00 KM.

U skladu sa Budžetom Grada za 2018. godinu te odredaba Odluke o izvršavanju Budžeta Grada za 2018. godinu („Službene novine Grada Zenica“ broj: 01/18), određeno je da će se sredstva za unaprjeđenje mjera kroz podsticaj razvoja poduzetništva i obrta realizovati u skladu sa kriterijima iz Javnog poziva, a na prijedlog nadležne službe i Gradonačelnika.

IV POSTUPAK PROVOĐENJA JAVNIH POZIVA

Postupak provođenja Javnih poziva je realizovala komisija imenovana od strane Gradonačelnik, a koju su sačinjavali predstavnici gradske uprave, Agencije ZEDA i Udruženja poslodavaca. Komisija je imala zadatak da pripremi za objavu Javne pozive s kriterijima raspodjele novčanih sredstava po oblastima i podsticajnim mjerama, te da obavijesti sve zainteresovane o uslovima, neophodnoj dokumentaciji i rokovima za prijavu, da nakon prijave učesnika sačine zapisnik, odabere i obračuna visinu podsticaja za one koji ispunjavaju kriterije, a nakon toga dostave zaključke Gradonačelniku za odobravanje i plaćanje.

Također, zadatak Komisije je bio da shodno planiranim sredstvima iz Budžeta Grada Zenica za 2018. godinu provede postupak odabira kandidata za dodjelu sredstava za podsticaj samozapošljavanja i zapošljavanja kroz razvoj start - up projekata i dodjelu sredstava za podsticaj razvoja postojećih mikro, malih i srednjih preduzeća na području Grada Zenica za 2018. godinu.

Javni pozivi su objavljeni 16. i 22. maja 2018. godine na službenoj web stranici Grada Zenica, te su isti promovisani putem javnih medija.

Komisija je u periodu od maja - juna 2018. godine primila i obradila 66 zahtjeva, a odobrila podsticaje za 55 zahtjeva.

Preduslov za ostvarivanje podsticaja je uredna dokumenatacija i podnošenja zahtjeva u skladu s Javnim pozivima.

Odluka o odobravanju sredstava namijenjenih za podsticaj samozapošljavanja i zapošljavanja kroz razvoj start-up projekata na području Grada Zenica za 2018. godinu je objavljena na web stranici Grada Zenica dana 26.06.2018. godine (rubrika obavještenja).

Odluka o odobravanju sredstava namijenjenih za podsticaj razvoja postojećih mikro, malih i srednjih preduzeća na području Grada Zenica za 2018. godinu je objavljena na web stranici Grada Zenica 26.06.2018. godine (rubrika obavještenja).

V JAVNI POZIVI I PODSTICAJNE MJERE

Odsjek za lokalni ekonomski razvoj pri Službi Kabineta Gradonačelnika realizovaj je provođenje dva Javna poziva s predloženim podsticajnim mjerama, uslovima i kriterijima kako slijedi u dole navedenim Javnim pozivima:

I - Javni poziv za dodjelu sredstava za podsticaj samozapošljavanja i zapošljavanja kroz razvoj start-up projekata;

Dodjela podsticajnih sredstava se vršila za:

- Otvaranje obrta u iznosu do 3.000 KM;
- Otvaranje pravnog lica (d.o.o) u iznosu do 5.000,00 KM

Prednost su imale firme koje će obavljati;

- proizvodne i
- uslužne djelatnosti
-

Kod odabira korisnika podsticajnih sredstava imale su prednost mlade osobe starosti do 35 godina, te lica koja se vode na evidenciji „JU Službe za zapošljavanje Ze-do kantona“ – Biro Zenica. Sva fizička lica su bila obavezna da izrade svoj biznis plan za apliciranje na Javnom pozivu.

Ovaj Javni poziv imao je fokus na sufinansiranje dvije vrste troškova samostalnih preduzetnika - početnika u biznisu i to:

1. subvencija obaveznih doprinosa za samozaposlenu i zaposlenu osobu do najviše 12 mjeseci i
2. subvencija troškova osnovnih i obrtnih sredstava neophodnih za pokretanje osnovne djelatnosti (kupovina mašina, alata, opreme, vozila za prevoz stvari i drugih sredstava (polovnih ili novih) i ostali troškovi registracije;

Odobren iznos za ovaj Javni poziv je iznosio: 60.000, 00 KM

II - Javni poziv za dodjelu sredstava za podsticaj razvoja postojećih mikro, malih i srednjih preduzeća na području Grada Zenica za 2018. godinu;

Ovaj javni poziv je obuhvatio dvije prioritetne oblasti sa predloženim mjerama:

- 1) - podsticaj razvoja postojećih mikro, malih i srednjih preduzeća,
- 2) - podsticaj razvoja ženskog poduzetništva

Obje prioritetne oblasti obuhvatile su dole navedene podsticajne mjere:

- a) zapošljavanje novih radnika, mogućnost apliciranja za maksimalno 2 dvije osobe, maksimalan iznos po osobi od 2.000, 00 – 5.000,00 KM u zavisnosti od stručne spreme.
Odobren iznos za ovu mjeru je iznosio: 100.000, 00 KM
- b) za povećanje produktivnosti i konkurentnosti, nabavkom osnovnih sredstava i opreme, maksimalan iznos po korisniku do 5.000,00 KM
Odobren iznos za ovu mjeru je iznosio: 100.000, 00 KM

Kod povećanja produktivnosti i konkurentnosti, korisnik sredstava je mogao dobiti maksimalno do 5.000, 00 KM, a prema veličini privrednog subjekta, kako slijedi:

- Mikro privredni subjekti (do 10 zaposlenih), subvencija do 50 % investicije;
- Mali privredni subjekti (10 - 50 zaposlenih), subvencija do 35 % investicije;
- Srednji privredni subjekti (50 – 250 zaposlenih), subvencija do 20% investicije.

Tabela 1

Planiran i utrošen iznos sredstava po Javnim pozivima

Red. br.	Oblik društva	Javni poziv	Prioritetna oblast	Mjera	Planiran iznos po javnom pozivu (KM)	Planirana sredstva po mjerama (KM)	Ukupno odobren iznos sredstva po mjerama (KM)	Odobren iznos za doprinose (KM)	Odobren iznos za opremu (KM)	Ukupno neutrošeni sredstava (KM)		
I	START UP	Dodjela sredstava za podsticaj samozapošljavanja i zapošljavanja kroz razvoj start-up projekata	Samozapošljavanja i zapošljavanja kroz razvoj start-up projekata	Subvencija troškova otvaranja obrta/d.o.o i troškova doprinosa i poreza za samozaposlenu/zaposlenu osobu	60.000,00	60.000,00	57.000,00	24.645,50	32.345,50	3.000,00		
			UKUPNO (START UP)		60.000,00	60.000,00	57.000,00	24.018,00	32.345,50	3.000,00		
II	MSP	Dodjela sredstava za podsticaj razvoja postojećih mikro, malih i srednjih preduzeća	1	Podsticaj razvoja postojećih mikro, malih i srednjih preduzeća	1 a	Za zapošljavanje novih radnika	200.000,00	100.000,00	80.000,00	80.000,00	83.666,00	36.334,00
				1 b	Za povećanje produktivnosti i konkurentnosti, nabavku osnovnih sredstava i opreme	100.000,00		83.666,00				
			2	Podsticaj razvoja ženskog poduzetništva	2 a	Za zapošljavanje novih radnika	40.000,00	20.000,00	18.000,00	18.000,00	21.629,00	371,00
					2 b	Za povećanje produktivnosti i konkurentnosti, nabavku osnovnih sredstava i opreme		20.000,00	21.629,00			
			UKUPNO (MSP)		240.000,00	240.000,00	203.295,00	98.000,00	105.295,00	36.705,00		
			UKUPNO (START UP + MSP)		300.000,00	300.000,00	260.295,00	122.018,00	137.640,50	39.705,00		

Tabela 2		Odabran broj korisnika po javnom pozivu												
Red. br.	Oblik društva	Javni poziv	Prioritetna oblast	Mjera	Broj aplikanata	Broj odbijenih aplikanata	Ukupan broj odobrenih korisnika	Broj odobrenih korisnika (pravno lice)		Broj novozaposlenih		Ukupan broj novozaposlenih		
								Obrt	d.o.o	Obrt	d.o.o			
I	START UP*	Dodjela sredstava za podsticaj samozapošljavanja i zapošljavanja kroz razvoj start-up projekata	Samozapošljavanja i zapošljavanja kroz razvoj start-up projekata	Subvencija troškova otvaranja obrta/d.o.o i troškova doprinosa i poreza za samozaposlenu/ zaposlenu osobu	21	4	17	14	3	14	3	17		
UKUPNO (START UP)					21		17	14	3	14	3	17		
II	MSP**	Dodjela sredstava za podsticaj razvoja postojećih mikro, malih i srednjih preduzeća	1	Podsticaj razvoja postojećih mikro, malih i srednjih preduzeća	1 a	Za zapošljavanje novih radnika	36	1	12	5	7	9	11	20
				1 b	Za povećanje produktivnosti i konkurentnosti, nabavku osnovnih sredstava i opreme	4		19	4	15				
			2	Podsticaj razvoja ženskog poduzetništva	2 a	Za zapošljavanje novih radnika	2	2	1	0	2	2	4	
					2 b	Za povećanje produktivnosti i konkurentnosti, nabavku osnovnih sredstava i opreme	0	5	1	5	0	0	0	
UKUPNO (MSP)					45	7	38	11	27	11	13	24		
UKUPNO (START UP + MSP)					66	11	55	25	30	25	16	41		

Ukupna vrijednost odobrenih sredstava po Javnom pozivu **“Podsticaj samozapošljavanja i zapošljavanja kroz razvoj start-up projekata”** je realizovana u iznosu od 57.000,00 KM od ukupno planiranih 60.000,00 KM.

Kroz ovaj Javni poziv od realizovanog iznosa, a shodno potpisanim ugovorima iz augusta 2018. godine i obavezama prema korisnicima Javnog poziva na ime subvencije troškova obaveznih doprinosa – period od 12 mjeseci u 2018. godini je isplaćeno 24.654,50 KM, a preostali iznos od 32.345,50 KM je isplaćen na ime subvencije troškova osnivanja obrtničkih radnji i osnivanje preduzeća, te dio na nabavku opreme neophodne za pokretanje osnovne djelatnosti. Realizacija ovog Javnog poziva osigurala je sredstva za otvaranje 14 obrta i 3 društva sa ograničenom odgovornošću gdje je potpisivanjem ugovora kreirano novih 17 radnih mjesta. Od 17 novoosnovanih pravnih lica, 7 je iz ženskog poduzetništva.

Ukupna vrijednost odobrenih sredstava po Javnom pozivu **“Podsticaj razvoja postojećih mikro, malih i srednjih preduzeća na području Grada Zenica za 2018. godinu”** je realizovana u iznosu od **203.295,00 KM**, od ukupno planiranih 240.000,00 KM.

Ovaj Javni poziv je obuhvatio dvije prioritetne oblasti koje su činile po dvije identične mjere. Za prvu prioritetnu oblast planirana su sredstva u iznosu od 200.000,00 KM, a za drugu prioritetnu oblast planirana su sredstva u iznosu od 40.000,00 KM.

Prva prioritetna oblast se odnosila na **“Podsticaj razvoja postojećih mikro, malih i srednjih preduzeća”**, a osigurana su sredstva u iznosu od 200.000,00 KM za dvije mjere i to za:

1a - Mjera: **“Zapošljavanje novih radnika”**, osigurana sredstva su iznosila 100.000,00 KM za dodatno zapošljavanje kod malih i srednjih preduzeća, od čega je realizovano 80.000,00 KM na ime subvencioniranja obaveznih doprinosa.

1b - Mjera: **“Povećanje produktivnosti i konkurentnosti, nabavku osnovnih sredstava i opreme”** prve prioritetne oblasti, osigurana su sredstva 100.000,00 KM za subvencioniranje nabavke opreme kod malih i srednjih preduzeća, od čega je učešće Grada Zenica u iznosu 83.666,00 KM u ukupno generisanoj investiciji od 268.862,65 KM.

Druga prioritetna oblast se odnosila na **“Podsticaj ženskom poduzetništvu”**, a osigurana su sredstva u iznosu od 40.000,00 KM za dvije mjere i to na sljedeći način:

2a - mjera: **“Zapošljavanje novih radnika”** osigurana su sredstva u iznosu od 20.000,00 KM za dodatno zapošljavanje kod malih i srednjih preduzeća, od čega je realizovano 18.000,00 KM na ime subvencioniranja obaveznih doprinosa.

2b – Mjera; **“Povećanje produktivnosti i konkurentnosti, nabavku osnovnih sredstava i opreme”** prve prioritetne oblasti, osigurana su sredstva 20.000,00 KM za subvencioniranje nabavke opreme

kod malih i srednjih preduzeća, od čega je učešće Grada u iznosu 21.629,00 KM u ukupno generisanoj investiciji od 46.924,09 KM.

VI ZAKLJUČAK

Grad Zenica je proveo dva Javna poziva s ciljem unaprjeđenja mjera razvoja privrede u Gradu Zenica.

U Budžetu Grada Zenica za 2018. godinu za sve podsticajne mjere planiran je ukupan iznos od 300.000,00 KM.

Od toga, za Javni poziv „Podsticaj samozapošljavanja i zapošljavanja kroz razvoj start-up projekata”, planiran je iznos od 60.000,00 KM. Od navedenog iznosa u 2018. godini, nadležna služba je realizovala podsticaje u ukupnom iznosu od 57.000,00 KM. Pravo je ostvarilo 17 korisnika što je rezultiralo otvaranjem 17 novih radnih mjesta.

Za Javni poziv „Podsticaj razvoja postojećih mikro, malih i srednjih preduzeća na području Grada Zenica za 2018. godinu”, planiran je iznos od 240.000,00 KM, za dvije prioritetne oblasti sa po dvije mjere, a realizovan iznos od 203.295,00 KM. Pravo po ovom Javnom pozivu je ostvarilo ukupno 38 korisnika, od čega je 14 korisnika otvorilo nova 24 radna mjesta, a 24 korisnika su ostvarila pravo na subvenciju nabavke opreme.

Ukupno realizovani podsticaji, po osnovu objavljena dva javna poziva, na području Grada Zenica, u 2018. godini iznose 260.295,00 KM, od čega je ukupno isplaćeno 122.018,00 KM na ime obaveznih doprinosa, a preostali dio u iznosu od 137.631,00 KM isplaćen je za nabavku opreme neophodne za obavljanje djelatnosti. Realizacija planiranih sredstava iznosi 86,76 %.